

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za kulturu, sport,
mlade i socijalnu zaštitu

Broj: 17/11-A-4358-2025
Tuzla, 18.03.2025. godine

Na osnovu člana 4. Odluke o kriterijima i postupku za ostvarivanje prava na refundiranje dijela troškova gradskog i prigradskog prevoza iz Budžeta Grada Tuzle („Službeni glasnik Grada Tuzla“, broj: 3/25), Služba za kulturu, sport, mlade i socijalnu zaštitu 18.03.2025. godine, raspisuje:

JAVNI POZIV
za ostvarivanje prava na refundiranje dijela troškova gradskog i
prigradskog prevoza iz Budžeta Grada Tuzle za 2025. godinu

I

Predmet Javnog poziva je ostvarivanje prava na refundiranje dijela troškova gradskog i prigradskog prevoza iz Budžeta Grada Tuzle za 2025. godinu, a u cilju pomoći korisnicima gradskog i prigradskog linijskog prevoza sa područja grada Tuzle.

II

Pravo na refundiranje dijela troškova gradskog i prigradskog prevoza iz Budžeta Grada Tuzle imaju sve osobe u stanju socijalne potrebe, penzioneri te pripadnici boračke populacije koji ispunjavaju sljedeće opšte kriterije:

- a) imaju stalno prebivalište na području grada Tuzle (najmanje šest mjeseci prije dana podnošenja prijave),
- b) čiji ukupan prihod po članu porodičnog domaćinstva mjesečno ne prelazi 45% prosječne neto plate ostvarene u Federaciji Bosne i Hercegovine za prethodnu godinu, prema posljednjem zvaničnom objavljenom podatku.

III

Osobama koje ispunjavaju kriterije mogu se dodijeliti sredstva za refundiranje dijela troškova prevoza u iznosu od 50% vrijednosti mjesečne karte gradskog i prigradskog prevoza za svaki mjesec u toku kalendarske godine, sa početkom od 1. februara 2025. godine.

IV

Prijave na Javni poziv podnose se na propisanom prijavnim obrascu koji se objavljuje u prilogu ovog Javnog poziva na službenoj internet stranici Grada Tuzle (grad.tuzla.ba). Prijavni obrazac može se preuzeti i u Centru za pružanje usluga građanima (šalter sala). Jedan aplikant može podnijeti prijavu za sve članove zajedničkog porodičnog domaćinstva koji koriste mjesečnu kartu za gradski i prigradski prevoz na području grada Tuzle.

V

Uz popunjen prijavni obrazac aplikanti su obavezni dostaviti sljedeće dokaze o ispunjavanju uslova za ostvarivanje prava:

1. Izjavu o članovima zajedničkog porodičnog domaćinstva (kućna lista) ovjerenu kod nadležnog organa (original ili ovjerena fotokopija)
2. Dokaz o radno-pravnom statusu za podnosioca zahtjeva i sve punoljetne članove zajedničkog porodičnog domaćinstva:
 - a) za nezaposlena lica – uvjerenje izdato od strane JU Služba za zapošljavanje Tuzlanskog kantona ili uvjerenje o redovnom školovanju ili dokument izdat od strane Poreske uprave FBiH – Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu radnog odnosa (original ili ovjerena fotokopija),
 - b) za zaposlena lica – dokaz o visini plaće/platna lista (original ili ovjerena fotokopija),
 - c) za penzionere - ček od penzije (fotokopija),
 - d) za lica koja su navršila 65 godina, a nisu ostvarila pravo na penziju - dokument izdat od strane Poreske uprave FBiH/Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu prava na penziju (original ili ovjerena fotokopija).
 - e) za pripadnike boračke populacije - Uvjerenje o pripadnosti boračkoj populaciji (original ili ovjerena fotokopija),
3. Izvod iz matične knjige rođenih za maloljetne osobe (fotokopija),
4. Mjesečnu autobusnu kartu izdatu na ime podnosioca zahtjeva (fotokopija) i fiskalni račun/e za kupljenu mjesečnu autobusnu kartu/e (original ili fotokopija) ili drugi validan dokaz,
5. Ugovor sa bankom o otvaranju ili potvrda banke o otvorenom tekućem računu podnosioca prijave (fotokopija).

Dokumentacija pod rednim brojem 1. i 2. ne može biti starija od tri (3) mjeseca od dana podnošenja zahtjeva, a dokumentacija pod rednim brojem 4. ne može biti starija od 30 dana od dana podnošenja zahtjeva.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.

VI

Služba nadležna za provođenje procedure po javnom pozivu će po službenoj dužnosti izvršiti provjeru evidencije prebivališta za podnosioca prijave i članove zajedničkog porodičnog domaćinstva koji koriste mjesečnu kartu za gradski i prigradski prevoz kao i provjeru svih naknada po osnovu boračko-invalidske zaštite kod nadležne Službe za boračko - invalidsku zaštitu, stambene poslove i integraciju raseljenih lica.

VII

Aplikanti koji ostvare pravo na refundiranje dijela troškova gradskog i prigradskog prijevoza obavezni su uz propisani obrazac dostavljati dokaz o kupovini mjesečne karte za sebe i/ili članove domaćinstva, najkasnije do 10.-og u tekućem mjesecu putem Centra za pružanje usluga građanima (šalter sala) Grada Tuzla.

VIII

Prijave na javni poziv aplikanti dostavljaju u zatvorenoj koverti preporučenom poštom ili predaju lično u Centru za pružanje usluga građanima (šalter sala) u zgradi Gradske uprave Tuzla, na adresu:

GRAD TUZLA

**Služba za kulturu, sport, mlade i socijalnu zaštitu sa
obaveznom naznakom:**

**“JAVNI POZIV za ostvarivanje prava na refundiranje dijela troškova
gradskog i prigradskog prevoza iz Budžeta Grada Tuzle za 2025. godinu
NE OTVARATI“**

Javni poziv ostaje otvoren **21** dan od dana objavljivanja, a zaključno sa 08.04.2025. godine. Rezultati Javnog poziva će biti objavljeni na službenoj internet stranici Grada Tuzle (grad.tuzla.ba).

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307-327, 307-414, 307-415, 307-304, 307-391 ili slanjem pitanja na e-mail adresu: maja.ivic@tuzla.ba.

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport, mlade
i socijalnu zaštitu**